



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCXL. De Vastatione territorii Oikaim.

**urn:nbn:de:hbz:466:1-11850**

*Conradus de Feuchtvvangen X. Mag. Gen. Ord. Teut.  
Mencko de Querfurt XII. Mag. Provinc. in Prussia.*

Sed Lesbuto sentiens sibi mortis angustias imminere, non valens se vertere, sed retrò percutiens, cum gladio dicti fratris Henrici digitum amputavit.

## ANIMADVERSIONES

(a) Gerfoviæ, habet Kojalovicz.

(b) Alii habent Jesbuto; alii sesbuto, quod etiam apud Dusburgium nostrum reperitur *supra cap. 234.*

## CAP. CCXL.

De

*Vastatione territorii Oikaim.*

Circa festum B.B. Petri & Pauli Apostolorum ejusdem anni, frater Henricus Zutsvertis prædictus, Commendator de Balga, cum XX. fratribus & mille quingentis viris equitavit versus Castrum Sumgedum, & ordinatis insidiis, fratres de Ragana cum suis armigeris erecto vexillo processerunt ad dictum Castrum, in quo tunc multi hospites fuerunt, qui ex hoc multum indignati, armatâ manu ipsos hostiliter sequebantur; sed fratres magnam stragam fecissent in eis si minus maturè suas insidias non rupissent. Quo facto fratres cum suo Exercitu recedentes in quodam loco per tempus aliquod quieverunt, & post multos tractatus habitos, placuit omnibus, quod utique manu vacuâ non redirent. Undè intrantes territorium castri (a) Oikaim, devastarunt illud incendio & rapinâ captis ergo & occisis pluribus hominibus cum magno spolio redierunt, sed quia equites hujus territorii pridie iverunt ad clamorem, quem fratres circa Castrum Junigedam excitaverant, solum pedites sequebantur eos, occupantes viam in quadam sylva, quam fratres celeriter pertransientes in quadam campi planitie ipsos invadentes XII. occiderunt, alii in fugam conversi non audebant postea comparere.

ANI-

Conradus à Feuchtwangen X. Mag. Gen. Ord. Teuton.  
Meneko de Quersfurt XII. Mag. Prov. in Prussia.

ANIMADVERSIO.

(a) Onkam, legit Strykowski, Schuzius & Jerofchinus. In Durburgio modò legitur Oukajin modò Oykain.

CAP. CCXLI.

De

*Deprædatione terræ Poloniae.*

Lutuvverus Rex Lethoviæ etiam hoc anno filium suum (a) Vithenum cum maximo Exercitu misit versus Poloniam ad terram Bristensem & post multa damna ibidem facta in occisione & captione hominum incendio & rapinâ, Casemirus & (b) Lochoto Duces Poloniae anxii de salute suorum, supplicaverunt fratri Menekoni Magistro Pruschia, pro subsidio; qui cum magno exercitu veniens, dum dictos infideles inciperet impugnare, præfati Duces, cum omnibus suis terga verterunt; quo viso fratres perterriti, non habentes potentiam resistendi tantæ multitudini, recesserunt etiam, sed non sine magno periculo suorum, quia multi fratres & alii Christi fideles fuerunt graviter vulnerati, antequam honestè possent à dicto certamine declinare.

ANIMADVERSIONES.

(a) Vitènes hic, ut referunt Historici Lithvanici, non fuit Regis aut M. Ducis Lithy. filius; Sed natus est Erogailæ quod est Samogitiæ oppidum, ex Parentibus ad Cæsarinum Columnam genus suum referentibus. Ob egregiam verò Indolem in Troidemi M. Ducis Lithvaniæ familiam puer assumptus, adolescens munere cubiculi præfecti, Vir denique dignitate Marschalci ornatus est. Donec tandem Lauro (Troidemi filio Monasticam vitam agente) auctore, Magnus Dux creatus est. De Putivero nihil norunt Scriptores Lithvanici. Vid. Matth. Strykovvski Ofsostevicius lib. IX. *Histor. Lithvan. cap. IV. pag. 365.* Albert. Wijuk Kojalovvicz part. I. *Hist. Lithv. lib. V. fin. & lib. VI. in pr.* Ego tamen puto Petro Dusburgio,